

Kirsty Williams AC/AM
Ysgrifennydd y Cabinet dros Addysg
Cabinet Secretary for Education



Lynne Neagle AC,
Cadeirydd y Pwyllgor Plant, Pobl Ifanc ac Addysg

Llywodraeth Cymru
Welsh Government

12 Mehefin 2018

Annwyl Lynne,

Mae chwe mis wedi mynd heibio ers i mi lansio *Addysg yng Nghymru: Cenhadaeth ein Cenedl*, sef y cynllun gweithredu sy'n nodi sut y byddwn yn trawsnewid addysg ac yn cyflawni'r elfen ddysgu uchelgeisiol a geir *Ffyniant i Bawb*.

Mae cynnydd da yn cael ei wneud. Yn y chwe mis cyntaf, rydym ar y trywydd iawn, ac eisoes wedi cyflawni yn erbyn y disgwyliadau a'r cerrig milltir ar gyfer 2017, ac rydym yn disgwyl gallu cyrraedd y cerrig milltir ar gyfer gwanwyn 2018 hefyd. Wedi dweud hynny, mae'r broses ddiwygio'n sylweddol, ac mae llawer o waith i'w wneud eto, er ein bod wedi dechrau ar waith y Rhaglen yn hynod gadarnhaol.

Mae ein Hysgolion Arloesi'n cynrychioli rhan fawr o'r gwaith sydd i'w wneud, ac maent yn arwain y ffordd wrth i ni fwrw ati i ddatblygu ein chwe Maes Dysgu a Phrofiad. Byddwn yn falch iawn petaech yn gallu gweld y gwaith hwn â'ch llygaid eich hun. Felly, hoffwn roi gwahoddiad caredig i chi, ac aelodau eraill o'r Pwyllgor Plant, Pobl Ifanc ac Addysg, ddod i ymweld â'r Ysgolion Arloesi. Wedyn, bydd modd i chi weld a chlywed am y gwaith parhaus sy'n cael ei wneud i drawsnewid addysg yng Nghymru.

Os ydych yn fodlon, bydd gwahoddiadau'n cael eu hanfon i aelodau'r Pwyllgor gan yr Ysgolion Arloesi yn eu hardaloedd, fel bod modd iddynt gyfarfod â'r bobl fwyaf blaenllaw yn y gwaith o ddiwygio'r system addysg a chlywed yn uniongyrchol gan bobl ifanc. Wrth gwrs, mae'r cynnig o sesiynau briffio rheolaidd gan fy swyddogion i aelodau'r pwyllgor hefyd yn parhau, os ydych chi a'r aelodau yn ei weld yn ddefnyddiol.

Rwy'n gobeithio y bydd yr aelodau'n manteisio ar y cyfle i gyfarfod â chynrychiolwyr ein Hysgolion Arloesi ac y byddant yn gweld yr ymweliadau'n fuddiol.

Yn gywir

Kirsty Williams AC/AM
Ysgrifennydd y Cabinet dros Addysg
Cabinet Secretary for Education

Bae Caerdydd • Cardiff Bay
Caerdydd • Cardiff
CF99 1NA

Canolfan Cyswllt Cyntaf / First Point of Contact Centre:
0300 0604400

Gohebiaeth.Kirsty.Williams@llyw.cymru
Correspondence.Kirsty.Williams@gov.wales

Rydym yn croesawu derbyn gohebiaeth yn Gymraeg. Byddwn yn ateb gohebiaeth a dderbynnir yn Gymraeg yn Gymraeg ac ni fydd gohebu yn Gymraeg yn arwain at oedi.

We welcome receiving correspondence in Welsh. Any correspondence received in Welsh will be answered in Welsh and corresponding in Welsh will not lead to a delay in responding.